



指所齋駢體文

指所齋駢體文目錄

大聖寺遺田歸三皇廟序

孫母蔡太淑人六十壽序

三品銜揚州太守孫韻武暨德配施淑人壽序

上海縣葉母黃太夫人七十壽序

誥封中憲大夫鄭裔南八十壽序

郭母鈕太宜人六十壽序

壽王母胡太孺人百歲暨五世同堂序

宮母王孺人七十節壽序

指所齋文集 駢體文目錄


陳瑞豐先生暨德配梅孺人壽序

與方月槎月溪虞卿芟塘四君書

公舉節烈小啟

祭凌霞館主人文

懷遠高錫基月川



指所齋駢體文卷一

懷遠高錫基月川

大聖寺遺田歸三皇廟序

金容滿月梅檀香放琳宮肉髻湧蓮嬰璐光生寶刹振積  
綱於龍樹石室蘭臺寫唄響於魚山黃花翠竹未有地難  
卓錫山可談經者也則有碧溪澗畔白乳泉邊上有廟曰  
三皇光天化日下有寺曰大聖法雨慈雲黃葉長封青山  
不隔小橋曲徑共證禪燈片石孤雲同窺色相蓮花結社  
寒山拾得原一家貝葉繙經無著天親無二法乃者逆氛  
肆虐山寺告凶大千紺宇無異祇焚丈六金身頓遭魔劫  
指所齋文集 卷一 駢體文 一  
樓身無自護法何從所餘莊田數頃榭樹千株蔓草荒煙  
誰耕短犢柔枝嫩葉只飼亡羊日就銷沈終歸剪伐而三  
皇廟神麻獨荷法力常昭石蹟山摧旗幢無恙鐘鳴磬響  
樓殿依然寺僧某內典精通世情練達正宜桃僵李代聽  
其接木移花局整殘棋天補鍊石所賴美成君子身現宰  
官懸慧目以燭迷津轉祥輪而開清境歡喜徧騰於荆麓  
功德無量光明復普於淮濱菩提正覺同登寶筏其然智

燈

孫母蔡太淑人六十壽序

代江都縣

西池桃熟三千界，瑤島之春東閣梅開廿四橋。揚州之地  
瞻星冠霞帔來天上，神仙仰貝闕珠宮作人閒富貴榮華  
灣水成功德齡延玉菊之泉，楊柳堤樹卽菩提觴奉金萱  
之祝，歡欣鼓舞揚厲鋪張以爲奏碧城鳳吹應運而生，飮  
紫府鴛鴦得天獨厚而不知文伯勞逸之訓承於敬姜歐  
陽恭儉之風秉於魏國表揚世德陸士衡雅擅文章綜述  
姆儀劉子政原工記載恭維我孫憲太母蔡太淑人譜聯  
仙籙系出儒宗詩誇詠絮之才字寫簪花之格筆情婉約  
得中郎法門墨彩飛騰衍君謨的派固已風傳林下秀著

指所齋文集

卷一 駢體文

二

閨中而乃矜縷綦履循習乎禮文邊豆酒漿確遵乎女誡  
才華自爲斂抑心性時秉塞淵詎願青城傳花蕊之詞紫  
石刊金鑿之字及其歸我楚泉憲老大人也德門佳偶兆  
協鳳占祥女入門禮隆雁奠桂蘊有味調羹先問小姑筐  
篚是將作事先詢伯姊宜其和以致祥雲成五色果爾慈  
能召福懷墮雙鈴惟時我憲老大人以吐鳳之僊才挾射  
鵬之妙技鬢宮品重藝苑聲蜚每當蝶苑朝吟螢窗夜讀  
碧紗題句拈毫偶倩細君赤壁泛遊藏酒偏謀內子豔入  
杏詞梅賦幾疊韻而雙聲香生菊頌椒銘或唱予而和女  
方冀龍門獨步早登金殿之鼇何期鸞鏡分飛頓別璇闈

之鵠斯時也家無長物室有藏書白髮年高黃口齒稚強  
承色笑華黍吹笙預作經營牽蘿補屋甘旨搜嫁時靈篋  
典衣常恐親知米薪賴樓上機絲靜夜敢辭霜冷熊丸味  
苦書怡編芸鳧燄燈殘字仍畫荻羽恐鳴鳩之未拂聲期  
雛鳳之彌清近水樓臺無計覓得先之月升仙爐竈何緣  
鍊證果之丹然而戈能返日石可補天諫果回甘瓊枝競  
爽積善之家有餘慶早徵天馬籥雲明德之後有達人儘  
說神魚跋浪伯也挺秀躬膺五馬之榮仲亦多才蔚起二  
龍之響太淑人顧而樂之喜可知也乃猶錢埋示儉閭倚  
教忠勗交友於綠衣羅宗支於絳帳聞平反則喜心闕赦  
指所齋文集

卷一

駢體文

三

植之雞以廉潔自居手付封還之鮮蓋自我憲臺第擢春  
闈官分郎署三禮屢經其典正四曹疊見其推遷豸銜進  
秩特邀

黼座之知虎榜掄才旋拜黔山之

命以及我仲和先生書照然藜詞成摛藻奉昌黎以進學  
校天祿以名家官箴政績既皆明示以遵循理窟詞源又  
各曲陳其奧窔所由玉成雙壁中梗枏杞梓之才星號聯  
珠兼酥酪醍醐之味峻嶒氣骨高風想勁節之扶持愷悌  
胸懷甘雨實慈雲所布濩時則維揚當瘡痍之後廣陵乃  
衝要之區鶴唳頻驚鴻噉未集問春風十里幾成無樹之

村訪明月二分絕少倚樓之笛

聖天子痾瘵民瘼慎簡乃僚謂烽煙未靖籌防須練達之英而杼軸其空善後借撫循之力河內重地非寇恂不能漢陽恤孤知龐參爲最於是憲臺以典試之清班任理民之劇郡符初佩虎郡卽翔烏明珠早還合浦陋劉寵一錢溉田已徧新豐肇廉范五袴名齊黃霸駐看膺

賜爵榮施業受文宣久歉辭隔紗縠訓遂乃截竹遺親捧輿迓母蔣太君衣皆錦繡原奉綸音陳叔達食進葡萄新承寵賚茲際歲次昭陽星旋軫壁冀開五筴花慶千春得名者爲大孝石是二千有德者可延年籌添六十字徵亥指所齋文集

卷一 駢體文

四

篆恰值亥年歲紀甲周剛逢甲月擲麻姑之米九仙骨應飯青精披玉女之雲一品衣新頌

丹陛南陔慶洽詩歌象服之宜北海尊開唾妙懶盤之術才慚製錦地恰依雲幸懋蔭之常邀肅蕪詞而進獻但愧花枯江筆餘霞乏成綺之章維祝蘭茁謝庭摺笏繞滿牀之彥况復絳河不隔得參下席於上元應知紫錦長畱願乞卷書於巾笈小人有母幸分來一粒丹砂大地皆春

試遙望

九重紫氣將見太夫人起居八座食供丹楨於博桑豈徒賢太守報最三年頌滿綠楊之城郭

文章最重起結揚州女壽並提並結中間敘太守處俱  
納入太淑人甲裏無喧客奪主之病故雖發皇而愈覺  
清真少楮

指所齋文集

卷一

駢體文

五



三品銜揚州太守孫韻武暨德配施淑人壽序

代

揚州騎鶴僊人也。愛名邦江上，駉鸞帝子原依水國錫遐年。於天上雉獻彭鏗慶樂事於人間，梟投玉女飛來紫氣。五千言鳥篆之書湧出碧城十二樓，駕漿之府壺公有宅。橋跨靈鼉天姥名峯路盤風馬由來佳話多傳鴻瑄真面。從古僊蹤大抵羊珠逸事然而訪瀛洲眷屬熊冠在縹緲之鄉間閩苑神僊鳳舄曳清虛之地孰若我韻武老夫子以螭豹之才挾虬龍之氣我師母施淑人以鸞鳳之質證鸚鵡之經白鳳口飛慶繞青牛之帳碧鸞手刺神游朱鳥之窗茱萸灣蛻節持來作萬家生佛薔薇溝露車飛到拜指所齋文集

卷一 駢體文

六

九子觀音蓋白石斑龍鮑靚曾爲太守而絳河彩鳳上元亦號夫人何必身是鵠王始足瀾淪法雨名爲鹿女方能布溥慈雲哉茶維我老夫子技陋雕蟲學輕刻鵠淵源家學繇擲地之鴻聲綽有僊風嗣蘇門之鳳響得句鳳凰臺上指點三山盪懷鸛雀樓中目窮千里紅鶴館諳新詞爭唱旗亭碧鴨闌清勝事同尋錦帳跌宕酒旗歌扇鵲顧猿迴徘徊水郭山村鶯飛蝶舞固已燕臺譽重虎觀名高然猶心細蛛絲手披蠹簡補亡書於三篋曾無帝虎之訛稽舊典於五車悉證魯魚之誤秦章漢印考古紐於蛟螭夏鼎殷盤辨奇文於蝌蚪任鸞簧百轉只戀蟬紅聽鼉鼓三

更猶耽瑩碧所由名題雁塔躬拜螭坳宿應九天香清蘭  
署曹分四部名重薇垣碧瓦朱欄徐邈建明堂之議黃支  
烏弋道周爲主客之官王元之銀燭樺飄百日之絲綸駐  
掌楊巨源金梯花簇九州之道路宏開無何豸服承

恩躬膺寵遇驪珠在抱

帝簡量才姚崇應變鳳長試以諸司而莫窮其術張詠得  
人爲盛置之方面而克盡其能山是鼇磯駐看行文於鼇  
極地名龍里欣逢哲匠於龍門儀鸞供帳斯亦榮矣匹馬  
登山猶有慮焉今夫暮出不歸倚閭而望帳飲惜別離色  
堪憐向碧霧以長征望白雲而不見亦生人之恆事固游

指所齋文集

卷一

駢體文

七

子所宜然然以觀我夫子出入三曹馳驅萬里玉珂響到  
沈沈鐘鼓之音金埒飛來渺渺煙雲之路而當值宿鳳翽  
鸞游之地初無將母之憂脂車熊吐魅睽之鄉絕少辭家  
之慮是蓋如賓相敬足徵萊婦之賢中饋克端堪奉萱幃  
之養琴維我師母菊花頌潔柳絮詩清豔說蘭閨芳傳蓮  
室盤龍墮馬始以妝飾入門筐蟹績蠶繼乃勤儉供職問  
小姑以食性雀雁鳧羹佐夫子之盤殮雉醢羊臠然尤力  
持大體智足知機失馬不驚撥蜂不懼非雞鳴何以戒日  
惟睢關乃可宜家桓少君不以富生驕鹿車短步曹大家  
詎以長忘誠象管攄詞取富貴於燕雲仁貴端因柳氏勵

功名於狐趙重耳尤賴齊姜是則黃竹白雲喜聽皇娥之  
瑟青蘋碧澗馨傳季女之詩行矣勉之樂哉游也而孰知  
經文緯武戡亂尤亟於掄才內聖外王作忠何必其移孝  
時則維揚值創夷之後廣陵當撫馭之初北枕淮徐青犢  
狼奔而豕突南連吳會紅羊鼠竄而鴟張因變出奇非虞  
詡不可以簡爲治惟鄧攸最宜於是

天子至仁命典試之官秉鞭而作牧於是淑人純孝體夫  
子之志捧輿而來揚以孝子作名臣花開稱意以令妻頌  
壽母酒奉延齡山巨源智足知人藻鑑半由於閨閣梁伯  
鸞廉能養性房幃早撤夫貂璫木屨金饑水深火熱在在  
指所齋文集 卷一 駢體文 八

特錫仍頒翠羽於

天家銅虎雖畱定擁碧油於節鎮况復階盈玉樹庭繞瓊  
枝虎子神清早兆發祥之玉燕鳳雛氣朗定符報德於珠  
蛇茲際旂蒙紀歲姑洗吹灰牛女齊輝幌弧並設銅冕銀  
雁香裊珠簾火鳳金鵝光生璇室羣歌碩德鋪張兔穎鸞  
箋共述芳徽點綴蜃膏犀管琳琅滿壁盡擷江花珠玉落  
天悉舒邱錦 書慙鵝帖才乏龍文幸克附近於青藍得  
拜榮光於朱紫戴星事劇敢云錯采鏤金仰斗情殷深愧

班香宋豔惟是鱣堂親炙時奏雅歌伏希麟閣洊臻同登  
大壽仙人島近雲芝與火棗齊芬女几山高雪藕與水桃  
並獻對此地綠楊城滿悅聞寶瑟雲璈問何時碧柰花餐  
試望木公金母

諸壽文選聲配色均具老斲輪之技

桐城蕭穆

指所齋文集

卷一

駢體文

九

上海縣葉母黃太夫人七十壽序

長生路近瑤池卽在人間不夜城開海國原如天上盼綸音疊至九重紫氣長新望瑞色遙臨十二碧城宛在由來富貴卽似神仙繫起雲霞爛呈袍笏然非毓之有素何由來英哲之生亦惟教以義方始克緜靈長之緒此所爲詠西京篇什首溯思齊奏東國笙簧先推壽母也葦維我葉母黃太夫人列侯世族海嶠名家風骨遠記世英襟期遙徵叔度文彊孝德翻說瓊閨曾直才名更傳璇室初平原多瑰異尙想仙風文叔雅擅宏通尤沿家學而且不以才自見遵姆訓時塵言德容工常以禮爲宗順內則無慚燠指所齋文集卷一 駢體文 十

寒抑搔所由歸我羊石贈公也勢有增高之業藁砧時慰其辛勤家無難事之人舅始皆愛如已出祥因和致一門瑞靄盈庭道以順成終歲和光滿戶從此胎成玉燕爭聆英物之啼共徵天賜石麟定有充閭之慶無如風偏摧竹雪忽欺松劍欲隻飛釵難雙合惟時我贈公積勤致疾病因久而益深太夫人服事瘁身情彌加而愈篤五更風靜殷殷露祝之詞一室燈微燄燄雲根之藥以迄名題素妻地覓佳城無不秉禮爲衡亦且盡情將事家原淡泊益以不貲之費而更見拮据性本幽閑萃以應務之勞而愈形踴蹶然猶家門冀啟子教時勤欲成繼嗣之賢無負亡人

之託敬羨勞逸先陳於未仕之年田母廉明預教於受經之日蓋其所見者大故其所教者宏亦其所積者深故其所明者著豈徒鏤金錯采示以華綺之詞駟馬高車勵以登庸之路哉然猶有難者今夫身經行役陟岵以思暮出不歸倚閭而望思家中之歡聚冀膝下之親承但使衣食無虧卽不願兒身跋涉況復烽煙告警又豈忍子職乖離是以伯約旣行遺藥示當歸之意太眞將去牽裙動難忍之懷意之摯也事之常也乃我顧之觀察當甫議出山之際正疆場多事之秋南顧江淮青犢狼奔而豕突北瞻河濟黃巾魅睽而熊咆太夫人則牽帷而致教言倚杖以明

指所齋文集

卷一

駢體文

十一

大義謂

朝廷宵衣旰食豈人民坐享之時況

國家徵異求才正臣子奮興之會但使立功殺賊何必科第爲榮正須除害救民奚忍文詞相尙是以我觀察承命請纓倏奮終童之志興懷投筆頓深都護之思移孝作忠較叱馭王尊而益壯惟母有子視運甕陶侃而尤奇所由初試參軍旋權大邑屢拖黃綬漸賜緋魚進秩虎符拜

丹楓於

帝闕榮膺牙服飄翠羽於

天家雖皆由我觀察之積功要無非由太夫人之夙教也

然非我觀察善體太夫人之意又何以成其顯達之名孔  
亟者軍需承乏則善爲籌畫執掌者王事受命則不憚勤  
勞勵忠勇於軍中士卒皆奮身以進佐敷綬於境上蠻夷  
亦拜手而前蓋在在欲報

聖主之知斯在在期慰慈幃之念是以累年任事未暇還  
鄉盡力宣猷不遑將母泊乎寰宇廓清民生安晏得布絃  
歌於海上復資保障於江濱然後藉祿養親捧輿迓母次  
公官貴因得民仍辱下僚萊子年高爲娛親猶耽嬉戲今  
值少皞九秋司令之月正逢太夫人七旬設帨之辰逾立  
秋八旬菊呈妍而尚秀去孟冬五日梅獻媚以先開庭茁  
指所齋文集 卷一 駢體文 三

蘭枝慶祝延年之酒樂吹黍管歌成大地之春看滿壁琳

琅藻詞光燦拜

累朝寵錫

花誥恩濃太夫人顧而樂之謂深荷

皇家栽培之厚觀察君喜可知也幸少酬高堂訓勉之勤

焉 氣洽周親情關鄉誼或宦遊時深結納或羈旅常

其遨遊夙欽六母之賢願作遐齡之祝惟是生花管禿愧

無夏玉之詞兼之浮槎時多愈少拈毫之興但旣遙瞻珠

笈奚肯昧圖寫真形況其近屬珂鄉用敢祝算增寶錄更

奚必昌容修道始可煉形正無須妙想靈丸方堪駐景龍

宮在望願餐金液於層波蓬島非遙好探瓊樓於弱水

指所齋文集

卷一

聯體文

三



誥封中憲大夫鄭裔南八十壽序 裔南香山人

星臨南極應爲壽者之徵地號香山宜結老人之會況復  
命由心造定昭厚福於天申豈其行以仁名不獲遐齡於  
神助縣縣瑞氣講誦和風蒸成太古之春永遂長生之願  
萊衣進祝因子孝而父壽益高橋木敷陰由前光而後昆  
彌裕有德必得壽積善有餘慶有如我裔南封翁有足述  
焉封翁生而穎秀長益靈明讀書日下雙行論史心窮百  
代詩葩易法悉竟源流班贍馬奇統探旨趣已徵知人鑒  
物羣號通才洵覽考古論今無慙學士矣而乃因文見道  
事無取乎虛浮以學勵行情別主乎質實孝友乃倫常之

指所齋文集

卷一 駢體文

四

大居然無間人言忠信爲行習之原在於克誠已意併力  
以赴行卽在於聞中素位而行事不求乎願外名教中有  
樂地鄉黨內稱完人請已極於精深心却主乎閒散謂奇  
才方堪理闕何須奮草野而廁尊榮且治世自有能臣奚  
必去泥塗而登臚仕是以始終不求聞達學已著而不言  
知往來絕少搢紳名雖揚而非干祿混跡於樵夫漁父採  
煙霞必問其奇置身於水涘山巔賞風月時窮其妙天機  
橫逸意趣循生蓋由道味足以飭心故身得其舒泰和光  
不辭隨俗斯人樂與周旋也然而尤有難者至足慮焉今  
夫耽曠逸者事或近於荒嬉善營謀者心常慮其吝嗇每

見枕山稜谷之輩問以米鹽而不知保家勤業者流勸以  
恩施而弗願事難兼顧性有攸分封翁則繫情花竹而謀  
生益見其精銳志經營而分惠愈形其亟勤儉奉爲家法  
時陳無逸之篇慈愛導厥心源常服博施之訓淡泊者其  
志振作者其神已塵好禮之心尤勵自強之學精神以顧  
盼而愈形豐饒德行以涵養而益見慈祥趙觸讐老善養  
身日強步三四里齊晏嬰惠能及物待舉火數百家所由  
百族和親用起爾康之祝一門雍穆蔚成胡考之休而且  
才善釋紛情能感物爲鄉鄰平其雀鼠俾末流化厥鷹鷂  
百計息爭端不憚宋磴強聒一諾增聲價甘爲季布游揚

指所齋文集

卷一

聯體文

五

陳太邱與物惟寬隱息奇袞之忌周公瑾令人自醉潛消  
亢戾之爭甚至藏垢納污雋不疑盜金不辨隨時濟急裴  
中立拾帶仍還人贖全名已多隱德宜其刑於克慰如賓  
有內助之賢勃焉以興跨躡得敬承之彥矣德配黃太恭  
人性衍春申以貴族而隆雁奠繼配陸太恭人派傳鴻漸  
以清門而續鸞絃淑慎相承後先協美治家整肅門無詬  
諍之聲馭下寬容室有祥和之氣親族奉爲懿則閭里仰  
厥芳型家嗣芸初風度端凝仲君

機神朗暢難兄難

弟吹簾吹埧或受顯秩於

朝廷或塵潛修於爾室有榮名而無毀事人居朝隱市隱

之間勵美行必本實心品在善人信人之列子聯常棣已  
欣繼體之賢孫茂芝蘭益喜盈階之秀疇徵五福祝備三  
多今逢一陽初生正值八旬衍慶庭羅雲幄酒進霞觴柏  
子香清瑞藹吉門之氣梅花韻逸祥增晚境之芳奏仙曲  
於椿庭歡承眉壽拜

湛恩於楓陛

寵晉頭銜錦繡羅庭盡錯采鏤金之句琳琅燦壁皆貫珠  
夏玉之音 客久都門曹分比部復備使臣於海國益遠  
耆德於鄉關悵惘將行壽未效兕觥之祝電勉作序詞先  
呈鶴算之添惟是管禿江花詞荒謝草不足增高年之重  
指所齋文集 卷一 駢體文 六  
轉恐貽宿學之譏特以誼屬通家情殷雅望使星將發聊  
呈不戢之詞福海非遙願頌無邊之慶想此日境成仙界  
同聆子晉之笙待他年舟過神山好獻安期之棗

郭母鈕太宜人六十壽序

鶴書傳天上金仙瑤島之春燕喜慶人間壽母魯邦之頌  
報春暉而欣捧檄紫誥榮親戲萊綵以慰高堂白華潔養  
斯人所願從古爲然然而壽本德基福由慈召非哲嗣無  
以亢宗惟淑媛方能教子爾乃祥和之氣本於坤貞端靜  
之操出以巽順正內準乎內則齊家肇自家人由此門祚  
昌隆家庭輯睦其惟我郭母鈕太宜人乎太宜人者璇亭  
先生之繼配達夫贊府厚庵刺史之賢母也幼生世族長  
自名門婉婉修儀率乎姆教幽閒表度原於性生十年乃  
字之貞善心爲窮百兩相迎之盛祥女人入門惟是璇亭先  
指所齋文集

卷一 駢體文

七

生研心金石寄意琴書有禮以肥其家雖富不言阿堵太  
宜人則撤環去瑱舉鴻案以相莊軋杼鳴機擁牛衣而佐  
讀供操持夫井臼礪風清助靜好於瑟琴時驚星爛無  
何璇亭先生以剛經彙史瘁心而病等休文太宜人則侍  
藥調湯問疾而情殷樊婦歡聯娣姒家無詭詐之聲事總  
網維門少煩瑣之務卒使藁砧享優游之樂賦獲忘作苦  
之勞皆得太宜人內助力也今夫後先之際猜忌易生彼  
我之間畛域難化太嚴則人多側目太寬則情似隔膜當  
太宜人鸞膠甫續之時正諸郭君鳳雛待哺之日而乃攜  
持保抱情逾所生警覺提撕教先自內兄弟無分於魯衛

滋味齊一夫淄澠挑燈佐夫子課書畫荻教兒童學字迄  
今姜魚孟荀膝下承歡陸璧王珠階前競爽蘭蓀挺秀瑤  
環瑜珥之姿

楓桂垂紳黼黻文章之采皆達夫兄弟孝思所集實太宜  
人闔德所昭也茲者歲次昭陽月當元默餘五葉夫莫萊  
羅三豆於萱幃璇宮設晚拜寶婺明星玉笋開筵奏雲璈  
仙樂素屬通家備聆懿訓登堂拜母曾尋伯符公瑾之  
歡摘藻揆華願上王女昌容之祝惟是職司揚郡作宰邢  
江不克躬拜乎魚軒遙計籌添夫鶴算對此日黃花節晚  
恭呈菊酒延齡想爾時白雪詞多共仰芝泥祝壽

指所齋文集

卷一 駢體文

六

筆墨生動

右卿

壽王母胡太孺人百歲暨五世同堂序

烏衣門巷王家原富貴之宗青瑣樓臺胡國舊神明之胄  
由來盛族多得名媛從古女宗必鍾厚福是以築長生之  
館推南嶽瑤姬闢不夜之城慶西池金母青牛帳暖皇娥  
拊瑟而歌朱鳥牕清玉女投壺而笑何必水源菊井始足  
延齡丹出杏林方能益壽乎然而慈竹垂青尤仰孫枝之  
秀幽蘭秉操更欣子箭之榮植滿院恒春事須稱意開一  
庭長樂人慶同春方成不世之希逢抑亦難丁之盛遇而  
乃三多之祝允協頌徵五世其昌早偕吉卜盈階玉樹擁  
絳河芝草以長生繞膝瓊枝簇紫府菖蒲而並壽如我王  
指所齋文集 卷一 駢體文 九

母胡太孺人有足述也孺人生長名門姻聯舊族矜纓笄  
總徽柔久著禮宗遵豆酒漿淑慎益昭壺範以迄憂徵玉  
燕穴滿丹雉競爽聯飛遜荀氏八龍之二齊驅並駕登賈  
家三虎之雙而乃教子多方持家有術準平繩直悉令歸  
型仁講讓之方矩折規圖更使受器使因材之益然而不  
遭顛沛不知操守之堅也不遇艱屯不顯變通之智也方  
孺人教成有德而諸子象協克家釜氣升騰固蒸蒸而日  
上泉流暢達亦活活而彌長無如刼屓紅羊烽連青犢烟  
塵擾攘每十室而九空家室飄飄竟千門之一轍孺人則  
明哲保身沈幾觀變全趙家之幼弱事在幾先免田氏之

宗支計隨勢轉卒使破卵重窠新巢再造於此見孺人之  
意計能周亦於此知孺人之心交瘁也而尤有難者今  
夫一庭相慶者楊延慶之芳徽也九世同居者張公藝之  
盛節也然必門庭堂堂足供十百人之起居倉廩田園可  
備一二年之儲蓄而後優游几杖个分左右追隨朝夕盤  
餐屋列東西供養而孺人則自經兵燹之後還家室之初  
鴻雁猶嗷嗷鳩未集屋廬湫隘丁口繁多欲闢地旣憐撲  
棗之鄰欲更宅難處近市之室遂乃分部諸郎各謀安宅  
秦稱大小自樹門楣阮列北南無分貧富或隨時就養耳  
目爲之一新或叠迓捧輿珍錯爲之屢易顧而樂之喜可

指所齋文集

卷一

駢體文

三

知已今當屠維紀歲之秋正值設帳良辰之日時當九月  
飄籬邊玉菊之香歲祝千春開天上金籙之宴惟時若孫  
若子酌酒稱觴爲賀爲元隨班進祝蒼顏白髮萊衣者扶  
杖承歡朱履元端含飴者比肩侍宴以及提戈取印手攜  
者鞠脛以前覓棗抓梨背負者拜手而進蓋孺人有子六  
人孫二十餘人曾孫十餘人元孫數人壽躋百齡堂開五  
世異香噴溢借瑞靄以長清仙樂嗽嘈雜佩環而並響不  
辨問安視膳點領使前或忘名字歲年披圖以審門延貞  
壽邀

賞資於彤庭坊建同堂渥

恩施於丹陛蓋皆由孺人見險能止蹇以難而愈亨積善  
餘慶坤以貞而益壽也 才懶真非蹟阻江南風聆孟母  
之賢曾飲陶君之饌兕觥獻壽未能近酌霞觴兕管濡毫  
願得敬呈燕祝但願三五盈而三五缺其明月長生惟期  
八千春而八千秋與蟠桃並壽

指所齋文集

卷一

駢體文

三



宮母王孺人七十節壽序

貞松節勁歷寒歲而逾蒼慙竹陰濃當春風而益翠菴蔬  
有心獨苦芳留大地之榮菩提爲樹長生身是延年之藥  
得天獨厚於世惟昭賦性能貞其傳愈久所由表名嬾者  
恩隆楓陛頌壽母者慶祝護幃也恭惟宮母王老孺人瑯  
琊舊族江左名家代有偉人世傳碩德孺人生而婉淑長  
益幽閒雖鳳舞龍蟠點畫規乎逸少山平水遠丹青妙於  
右丞文中子經術湛深少傳家學汜水尉詩才超逸幼沿  
宗風而尤以爲詩詠斯干議惟酒食禮嚴內則佩首管箴  
是以綦履矜纓致功鍼菴蘋蘩蕓藻勤習烹調言行必率  
指所齋文集

卷一 駢體文

五

女箴舉動悉規師氏洎乎歸

先生也家人衍卦如

鼓瑟琴祥女入門宜其家室始以妝飾而入繼乃操作以  
前舉案齊眉梁伯鸞矜爲德耀穿墉窺客山巨源服其鑑  
衡惟時 先生庭樞棄養外無伯叔之親廬舍僅存內

少錙銖之積貫鵲鸚市酒蚨豈能飛弋鳧雁佐餐雞方戒  
巨牛衣雖卧氣礪激昂蠶妾縱存志規遠大方冀功名自  
顯無負高世之才何期風露成災竟致葉砧之疾時也藥  
爐微燼尙聞札織之聲病榻斜支時對刺紋之影藉十指  
以易參苓耿孤心而煎日月以至長年願代夜祝青詞短  
破引斜晝啼碧血早已衣空夫搜篋尙期屋補於牽蘿境

總于瘡心回百折蓋自良人初病已形手口之交勞而自  
夫子云亡益見力心之俱瘁也然而藐孤奚託宗祀誰支  
期赤手以扶大厦之傾顧黃口而念單門之祚所爲磨笄  
雖試仍返空閨願井將投旋歸私室製熊丸以教子屏鸞  
鏡以治家德協坤貞遇經屯難卒能時登豫順子列成均  
境處恒亨門寢昌大

九重旌其苦節寵荷霽光一時慶其甘臨事徵履吉今而  
後喜可知也此其中自有道焉今值重光單闕之月實爲  
設輓覽揆之辰樂奏雅寅介延禧於尊癸曲終移午迓福  
祿於林王壽徵剛卯之銘恰當卯月祝進延庚之頌正值

指所齋文集

卷一

駢體文

三

庚年歲轉吉辛天姥峯原應福已星回見丙婺女宿偏照  
昌辰開成福壽之花帳排甲乙恍近神仙之府經誦庚辛  
誼屬通家居鄰七里登堂拜母曾承南宅之推介壽稱  
觴宜作北堂之祝惟是蕭條故我深慚末坐碧衣况復奔  
走累年更秃生花彩筆無以圖真靈之妙奚足介壽考之  
祺特以素稔靈儀夙聆姆教立言堪取乎切近摛詞不失  
夫鋪張斯選義考詞尙可表梁媛高節而披文體物庶足  
傳孟母芳型云爾

陳瑞豐暨德配梅孺人壽序

希夷迂到仰卧佛於真源萼綠飛來拜梅仙於羅郁十二  
瓊樓之地長滿靈芝三千蓬島之中餐餘仙樾譜雲間仙  
樂靈傲與寶瑟齊鳴啟洞內奇書紫錦與綠金共燦而且  
成鯉成獺唾盤仙蹟雙呈驂鳳鸞避惡香車並駕是則  
天上門庭聚順何曾遠異人間果使人世家室歡娛又奚  
必有慚天上也然而不經磨鍊不知金玉之光不遇嚴寒  
不顯柏松之勁瞻離離茂實知其盤根於地者深聽活活  
長流知其發源於泉者遠有如我 先生者家本單寒

指所齋文集

卷一

聯體文

十四

山空而老鳳先摧芝葉初含霜重而本芝早瘁蓋其太孺  
人懷珠之日正其先君子埋玉之時經三月而麟誕方微  
越五載而鴉塗始見蓬臆勵志原深奮發之思磬室懸空  
難免尸糞之歎於是先生承感幃之命爲學先以治生太  
孺人俯膝下之歡起家因而就養鳩巢甫造汜可小康狼  
烟倏驚旋經大難始則寇深江左地滿黃巾繼則氛惡淮  
濱人多碧血先生乃奉母移家遠途避患勞草八口行李  
一肩埃短亭長每遇零丁之客風餐露宿尤多厄乙之人  
於是誼切同鄉悲深其難水雖涓滴冀蘇涸轍之魚氣可  
吹噓便暖寒天之谷泊乎昌明再遇歡喜言歸經阨塞而

心志益堅遭顛連而交友彌篤晏嬰家富不移湫隘之居  
范蠡財多常溥散施之惠卒使家門日盛氣如釜上之蒸  
蒸子姪尤繁蘭繞階前之郁郁德配梅孺人教毓名門徽  
緣舊族派沿仙尉久高林下之風代有詩人共仰閨中之  
秀迨于歸乎世胄益昌大其門閭布裘椎髻無慚舉案之  
賢穿牖窺竄尤有知人之鑒故能昭德門之和氣效孝養  
於庭幃相夫子以成家鴻恩施於後世今已庭羅二陸門  
有雙丁或勤慎以持家不愧家君之目或奮興以勵學終  
成季子之名惟難弟克繼難兄有是父始生是子蓋因更  
事也多故惟恐繼起安於逸豫廢學也早故尤欲跨竈振  
指所齋文集

卷一 駢體文

三

其聲華茲當懸弧設帨之秋正露降蟬鳴之月紅蕖未老  
圍錦繡千重丹桂初芽挺新枝一片樂奏長生之曲異響  
時聞酒樹無算之杯高朋滿坐而則跡阻鳧趨情殷雀  
怵不獲進羊珠而上壽惟遙祝鶴算之添籌只因契合者  
深雅識雲溪之志聚談者久克徵甫里之情披鶴氅一肩  
無煩羅綺聽蛙鳴兩部不願笙歌綠葵紅蓼之佳隱士之  
私心自遠碧瓦朱欄之麗山人則匪我斯存仁者樂山因  
藏修而精神益固真人玩世借游戲而心地愈寬然則斯  
時也簫鼓沸騰神已游蝶舞鶯歌之際萊衣拜祝心仍在  
山青雲白間矣人第見白叟黃童不啻神仙眷屬朱顏綠

養同徵壽考吉祥以爲所得者多而孰知所積者久哉

指所齋文集

卷一

聯體文

三

與方月槎月溪虞卿芟塘四君書

茫茫大地無非積恨之區落落浮生孰是寄愁之所望蓬萊兮水遠屢變滄桑帳華表兮鶴歸惟餘城郭女媧不返無從補離恨之天彌勒云遙誰與證長生之果自非木石能不悲心況屬金蘭尤深流涕僕本恨人尤敦友誼十年車笠曾訂前盟一載琴書更申舊約奏停雲於八表無限懷思續舊雨於三春曷勝眷戀加以仙才輩出名士挺生許虔許劭並屬同生王濟王沈皆推知己或肆談於叔姪或結伴於弟昆時深月旦之評更有風期之興泊乎南轅返旆東里言歸朗月清風未嘗不思元度楓青關黑頻疑

指所齋文集

卷一

駢體文

七

夢見長庚奈何室邇人遐神通境隔虞卿皎如玉樹只一遇於水濱月槎朗若球琳僅三逢於城闕月溪妙粲花之舌未及深談芟塘工食葉之書曾無片牘相離不及百里相別亦已三年而萍水因緣絕少相遭之分雲天沮滯徒深悵望之情搔首踟躕爲恨何如也而尤有恨者理齋則修文地下矣碧橋則作主蓉城矣澹齋則驂鸞天上矣青山留恨旣驚碎於明珠碧草生愁更深埋於玉樹以至曲咽離鸞聲悽雛鳳傾洞庭之淚竹不勝斑駁阿閣之巢桐猶待護俱人生之恨事實天道之蒼茫回憶曩時賞花煮茗賭酒賦詩菡萏風清敲棋北院梧桐疏雨剪燭西牕圍

冬夜之爐香燒柏子踏春山之屐步惹桃花賢主嘉賓花  
晨月夕習焉不覺亦以爲常不意二三年中雲散星沈另  
是一番景況風寒霜勁更添十倍蕭條問南道之主人已  
多零落嘯北牕之高士轉更淒涼念風燭之忽焉帳山河  
之邈若僕羶侯多病韓子憂貧歲歲依人輕如海燕年年  
作客冷若江鷗無緒登樓才微慙於王粲有懷思舊情更  
重於子山長句一聯短歌數闕略盡寄懷之意聊當懊惱  
之歌寄達葵忱統希藻鑑

捐所齋文集

卷一

聯體文

五

公舉節烈小啟

竊以成仁要於殺身非生人本願完貞期於殉難豈烈女  
初心而有不得不然者時勢之維艱也不容少寬者遭逢  
之猝變也所以青史留芳諒其心因爲明其志彤廷表德  
高其義特爲揚其名有如烈婦某某者于歸世族德久著  
於閨中貞女某某者生長名門風早傳於林下或如賓一  
室覓時弋而每戒星明或待字十年雁將奠而尙遲親迎  
乃忽驚乎禍變因各保其艱貞自縊全貞飲鳩畢命迨家  
人之甫覺已玉質之先寒矣夫當梟獍初興鯨鯢始肆雖  
懼剝膚之痛未徵滅頂之凶使少緩須臾或幸免狂瀾之

指所齋文集

卷一

駢體文

无

及設別生擬議庶克離燎原之傷而乃計不兩全行成一  
是蓋以清白所關者大未可遇難幸苟且之圖死生所係  
者微詎忍臨幾事游移之見古今來有因一時觀望大節  
由此或虧作事遲疑始志不能終遂者豈非爲畏死之心  
所誤而幸生之心有以中之哉彼烈婦貞姬所見者大故  
其慮之也深所志者專故其行之也決惟可不死而必期  
於死則其行之素定也可知惟恐緩死而或不得死則其  
慮之至周也可知某等或保周親或同里閭歎芳徽之竟  
逝慨風化之攸闕同切表彰用申稟牘伏乞統詳忠義之  
局以慰一時貞烈之魂庶闡幽志遂淑德永著梓鄉



褒獎恩隆霈澤遠邀

楓陛

指所齋文集

卷一

駢體文

三

祭凌霞館主人文

遐哉懸圃何緣登不死之山逸矣瓊田無計覓返魂之樹  
登蓬萊而招精衛恨海難填排閻闔而問巫咸情天無味  
百身何贖一死長辭髯蘇之哭少游子荆之悲武子莫勝  
悽咽同此愴情憶昔杖借花間根移山下綠楊滿樹濃生  
一樣之春丹桂盈庭香鬪兩家之院騎來竹馬氣盡騰驤  
詠到茄牛才爭敏捷聽清泉於空谷嵐氣侵衣振逸響於  
高峰簫聲吹月長歌短嘯龍吟鶴唳之秋牽荔攀蘿兔穴  
蠶叢之路莫不勝情勝具人美風流吟月吟花眾誇豪邁  
者也至於梁苑春深燕臺秋暮君歌柳絮我踏桃花千里  
指所齊文集卷一 駢體文  
三

黃河傍白雲而直上九門紅樹望紫氣以遙飛馬周飲酒  
於新豐班超備書於東洛譜輝棣萼久留司馬之門幕冷  
蓮花暫伴雞棲之樹固欲名題雁塔翰染龍池無如數奇  
不偶命舛多艱鵬未搏於天心鴉早鳴於屋角熊丸和罷  
悲兮遊子之衣蠅字書殘傷矣含辛之軸望白雲而不見  
灑紅淚以言歸加以蚊睫螟巢驛開雀角鷹頭蠅集禍起  
蛾眉鼠憑社以奚容蚌有珠而莫辨流雲吐月庶幾光景  
常新接木移花未免天工太奪吾謀實不用也君子毋乃  
傷乎然而崑山片玉本重於郗詵弱水層波偏逢於徐市  
看雞羣之立鶴陋鷄侶之嗤鴻嵩洛才多賈生最少竹林

酒熟阮籍尤狂而且談笑生風咳唾成玉多才多藝宜雅  
宜風筆墨在烟雲而外虎頭原屬仙才風神得肥瘦之宜  
羸尾翻多逸致或敲棋於花院或賭曲於旗亭固已爭羨  
紅腔同垂青盼旣而燕營舊室鸞續新絃花徑重開寶釵  
再合方冀鳩巢漸穩香生玳瑁之梁何期噩夢成災淚泣  
瓊瑰之玉磬城不遠飛紅霧以冥冥菊水無靈望蒼烟而  
漠漠豈其藕絲柳線絕少塵緣竹露荷珠偏難久住乎嗟  
乎玉樓待記本屬荒唐闖苑棲真皆歸冥漠在天在地疑  
鬼疑神果夙慧之無忘自前因之不昧則青山烟月定應  
魂夢之留碧澗笙簧尙想詠歌之在樂終三闋魂慰重泉

指所齋文集

卷一

駢體文

三

其詞曰

雲渺渺兮水一方駕龍舟兮奏笙簧乘清風兮暫至景偃  
靄兮夕陽紫彩雲之倏散垂珠露兮雙行何蓬萊之小別  
倏早變乎滄桑豈羣真之游戲抑海市之無常憶步虛之  
初降愁窈窕而含芳風蕭蕭兮蓄怒余固謂其不祥乞慈  
雲兮永護羌不信於東皇惟噫氣之所致又何怨乎彼蒼

其二

容與兮盤桓日將暮兮渺遙山倚長松兮悵望若有人兮  
雲端珠爲佩兮玉爲冠披霞帔兮跨青鸞雲隱隱兮將落  
月淡淡兮初寒吹碧笙兮隱約悵紅霧兮迷漫

其三

雪光灑灑露點盈盈瓊漿一勺髓洗三生滌塵間之污穢  
普大界之光明楊柳一枝芙蓉千朶爲衣爲裳風流帖妥  
吸仙氣兮無寒醞香風兮不墮鸞音流地鶴翅冲天朝辭  
碧落夕破蒼烟搖空中之環佩結海外之仙緣惟茲仙品  
迴隔凡塵恍恍惚惚杳杳冥冥有癡皆慧無幻不眞月何  
爲而長白天何事而長青苟精靈之不昧願來享而來馨  
容與俯仰一往情深後幅詩思騷情自我作古祭文中  
之絕調也

月溪

指所齋文集

卷十

駢體文

三

六一六

